

præfixos, nec forsitan habebit unquam. Et utut magnas Planeta-
rum conjunctiones & oppositiones sæpius vel præcessisse vel se-
cutos fuisse Cometas aut stellas novas legamus, ut cum anno
1604 stella nova in eodem ferè Zodiaci loco, in quo circa tem-
pus illud Saturnus cum Jove jungebatur, apparuit: & hic noster
Cometa magnam & ter hoc anno partilem Saturni & Jovis op-
positionem ex \alpha in \gamma non multis mensibus præcessit; tamen
cum hoc non sit perpetuum, igitur ad aspectum illorum recur-
sum phænomena hæc alligari non possunt. Nec anxi certum &
peculiare tempus est, in quo se conspiciendos semper præbeant
Cometæ, sed jam vere, jam autumno, mox æstate aut hieme ap-
parent, nec statim etiam mensem agnoscunt. Quatum verò ex
historia constat plures in æstate quam in aliis quartis comparue-
runt, & major eorum pars in Augusto. Inter menses verò pri-
mas tenet Januarius, in quo plurimi leguntur otti; Februarius
ultimas, in quo saltem unus assignatus est. Numerum Cometar-
um mense Decembris visorum novus hic noster jam auxit, alias
cum Februario conveniebat December. Sed hæc tantum ex re-
latione historicâ. De Duratione Cometarum Plinius I. 2. c. 25.
ait: brevissimum quo cernuntur Cometæ spacio septem dierum an-
notatum est, longissimum 80. Brevius tamen Connimbricenses &
Keckermannus; longius verò Seneca & Josephus annotasse vi-
dencur. Illi enim anno 1527 emicuisse Cometam terribilem quidem,
sed non ultra quinq; horæ quadrantes durantem referunt,
tract. 3. Meteor. c. 3. Sed hîc partim de totali & accuratâ observa-
tione, partim de naturâ phænomeni, utrum verus fuerit Come-
ta, scilicet, an meteorum ignitum, non immerito dubitatur. Hi
verò Cometas aliquos semestres fuisse, aliquos annuo spacio du-
rasse volunt. Annuo quidem spacio durasse dicunt eum, qui pau-
lò ante urbis Hierosolymæ excidium conspectus est, Joseph. I. 7.
de bello judaico c. 7. Rectè tamen Tycho tom. I. progymn. p. 330.
hoc phænomenon è numero Cometarum excludit, & superna-
turale portentum ad terrendos judæos fuisse putat, immobile
enim urbi semper imminuit, nec motu (quod in Cometis obser-
vatur) planetico progressum est. Semestres verò Cometas tres po-
tissimum historia nobis refert: Primus fuit sub Nerone anno
Christi 64. de quo Seneca I. 7. natur. qq. c. 21. Secundus qui sub-
ortum